



OTRA

Når det mot vårløysingstidi lakker,
Og snøen brånar i alle bakkar -
Ja, då veks Otra seg stor og stri
So ho fløymer langt yverbreddi si.

Når isflak brotnar og under dukkar,
Og bekkjen kât under snøen klukkar -
Er Otra stri som eit villdyr sjå,
Og du høyrer omen langveges frå.

Ho smiler blankt der ho stryk nedetter
Og tek mot hjelp frå dei mange bekkjer.
Ho samlar krefter og veks seg stor
Ifrå Bykleheian til Byglandsfjord.

Ingebjørg Lien